

Allannguutissatut siunnersuut

Uunga

Uunga siunnersuut: Qamutit motorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaat nr. x, xx. november 2012-imeersoq

Aappassaaneerlugu oqaluuserineqarnissaanut Naalakkersuisunit saqqummiunneqartoq.

§ 1-imut

1. § 2, *imm. 1*, imatut oqaasertaqassaaq:

”Akileraarutit ukiumut angissuseqarput:

- 1) Qamutit motorillit 1.000 kg-t angullugit oqimaassusillit: kr. 6.554.
- 2) Qamutit motorillit 1.001 kg-niit 1.200 kg-t angullugit oqimaassusillit: kr. 10.049.
- 3) Qamutit motorillit 1.201 kg-niit 1.500 kg-t angullugit oqimaassusillit: kr. 10.747.
- 4) Qamutit motorillit 1.501 kg-niit 1.800 kg-t angullugit oqimaassusillit: kr. 15.231.
- 5) Qamutit motorillit 1.800 kg sinnerlugit oqimaassusillit: kr. 17.575.
- 6) Motorcykelit: kr. 3.540.”

Siunnersuummut oqaaseqaatit

Oqaaseqaatit nalinginnaasut

Kattusseqatigiit Partiianit siunnersuutigineqartoq tunngavigalugu Naalackersuisooqatigiit aalajangerput biilnut minnerpaanut oqimaassutsimut killiliussaq 900 kg-niit 1.000 kg-nut qaffanneqassasoq, taamaasilluni biilit 901 kg-niit 1.000 kg-t angullugit oqimaassusillit qamutit motoorillit akileraarutaannik appasinnerpaamik siunissami akileraaruserneqartalissallutik.

Tamanna ilutigalugu siunnersuutigineqarpoq nutaamik oqimaassutsimik ivertitsinikkut 1.201 kg-t 1.500 kg-llu akornanni oqimaassusilinnut akileraarut ukiumut 10.747 koruuninut angissusilerneqassasoq, siunnersuutigineqaaqqaarneratut ukiumut 12.142 koruuniunatik.

Taarsiullugu siunnersuutigineqarpoq 1.500 kg-t sinnerlugit oqimaassusilinnut akileraarutit ullumik-kut atuuttunut naleqqiullugit qaffanneqassasut, taamaasilluni isertitaqarnerulissutissat siunnersuutigineqaaqqaartutut ukiumut 3 mio. koruuninik annertussuseqassallutik.

Aalajangersakkanut ataasiakkaanut oqaaseqaatit

Nr. 1-imut

Siunnersuutigineqarpoq biilnut minnerpaanut oqimaassutsimut killiliussaq 900 kg-niit 1.000 kg-nut qaffanneqassasoq.

Siunnersuutigineqarportaaq nutaamik oqimaassutsimik ivertitsinikkut 1.201 kg-t 1.500 kg-llu akornanni oqimaassusilinnut akileraarut ukiumut 10.747 koruuninut angissusilerneqassasoq, qamutinuulli motoorilinnut 1.501 kg-t 1.800 kg-llu akornanni oqimaassusilinnut akileraarut ukiumut 15.231 koruuninut kiisalu qamutinullu motoorilinnut 1.800 kg-t sinnerlugit oqimaassusilinnut akileraarut ukiumut 17.575 koruuninut qaffanneqassasut.